

Caspar Mauritius

Programma Quo Rector Universitatis Rostochiensis Casparus Mauritius ... Ad Exequias, Quas Viro ... Dn. Hieronymo Koch/ I.U.D. & Advocato Iudicii Provincialis Vidua Moestissima ... parat Omnes omnium ordinum Cives Academicos ... invitat


Rostochii: Kilius, 1657


<http://purl.uni-rostock.de/rosdok/ppn77157049X>

Druck Freier  Zugang



Mauritius, C.,
in H. Koch.
R. 1657/a





PROGRAMMA

Quo

RECTOR UNIVERSITATIS
ROSTOCHIENSIS

CASPARUS MAVRITIUS,

SS. Theol. D. P. P. & Superint.

Ad Exequias,

24.

Quas

Viro Consultissimo & Clarissimo

DN. HIERONYMO

Roch/

J. U. D. & Advocato Judicii Provincialis

VIDUA MOESTISSIMA

Ad horam primam in templo Mariano parat

Omnes omnium ordinum Cives Academi-
cos officiosè & peramanter invitat.



ROSTOCHII, Typis Hæredum NICOLAI KILII
Acad. Typogr. Anno 1657.



Tene quod habes, ut nemo accipiat coronam tuam. Generosa hac & emphatica Servatoris vox de tribus nos admonet. Primum est corona. Non est dubium, quin ad Græcorum & Romanorum usitatas coronas respexerit Servator. Apud Græcos in stadio currebant duo pluresve stadiodromi ad metam: spatium erat sexcentorum pedum, quantum Hercules uno spiritu percurrerat & substiterat, notante A. Gellio. Premium quo, qui cæteros anteverterat, ornabatur, erat corona oleagina. Romani suas jactabant coronas, oleaginam, quo decorabantur ii, qui triumphum procurabant, utut ipsi prælio non interfuissent: murallem, cujus insigne muri pinnacula, quæ ab Imperatore illi assignabatur, quæ primus hostilem murum subjisset & per vim conscendisset: ovalem myrteam, quæ ornabantur Imperatores, qui urbem ovantes (ovatio minor triumphus erat) ingrediebantur: navalem, cujus insigne navium rostra, quæ illi dabatur, qui in prælio maritimo in hostium navim primus vi armatus insilisset: castrensem, valli insignia habentem, quæ tribuebatur illi, qui primus in hostium castra pugnando introisset: civicam è fronde quærna, quam civis civi à quo servatus esset, in premium vitæ & salutis perceptæ dare solebat: triumphalem, auream illam quæ Imperatori ob triumphum mittebatur: deniq; obsidionalem, quam liberati obsidione dabant Liberatori suo, gramineam, ex illo confectam gramine, ubi cives obsidione liberati essent. Sed & Reges gentium suas habent coronas, quarum sociæ est invidia, nutritrix vanitas, gloria superbia. His opponit Servator Coronam corruptioni minimè obnoxiam, quam sacrè literè inde vocant coronam justitiæ & vitæ. Hanc qui cupit, teneat oportet quod habet. Id alterum est. Natura peccatum habemus & damnationem. Per gratiam CHRISTI justitiam obtinemus & salutem. Hic thesaurus custodiendus est. Non enim minor est virtus quàm quærere parta tueri. Cum Augustus Imp. audisset, Alexandrum Magnum natum annos triginta duos, postquam plerasq; mundi regiones peragrasset, dubitasse, quid reliquo vitæ tempore esset factururus, admirabatur

batu, si Alexander non judicasset majus opus, bene gubernare partem imperium, quam amplam ditionem comparasse. *Nihil juvat Christum accepisse, nisi operam demus, ut, que semel fide purificata est, bonam conscientiam adversum Diabolum militem veteranum, astutum, impudentem, fortem, ejusq; confederatos mundum & carnem constanter tueamur.* Circuit ille, verba sunt gravissimi Patrum Cypriani, nos singulos & tanquam hostis clausos obsidens muros explorat, & tentat, an sit aliqua pars murorum minus stabilis & minus fida, cujus aditu ad interiora penetretur. Offert oculis formas illices, & faciles voluptates, ut visu destruat castitatem. Aures per canoram musicam tentat, ut soni dulcioris auditu solvat & molliat Christianum vigorem. Linguam convicio provocat, manum injuriis laceffentibus ad petulantiam cædis instigat: ut fraudatorem faciat, lucta opponit injusta: ut animam pecunia capiat, ingerit perniciosa compendia: honores terrenos promittit, ut cœlestes adimat, ostentat falsa, ut vera subripiat: & cum latenter non potest fallere, exerte atq; aperte minatur: terrorem turbidæ persecutionis intentans, ad debellandos DEI servos inquietus semper & semper infestus: in pace subdolanus, in persecutione violentus. *Huic hosti tam fraudulento tam potenti prudenter & fortiter resistendum. Arma quibus utendum duplicis generis sunt, alia, quibus nos tegamus, ne vulnere pateat locus, ut sunt thorax, baltus, scutum, ocrea, galea; alia quibus repellitur & conficitur hostis, ut sunt gladius & aenea tormenta. Hec quomodo adhibenda sint, Apostolus docet Eph. VI, 13. seqq. Assumite, inquit, universam armaturam, DEI, ut possitis resistere tempore adverso & omnibus confectis πάντας καταπληροῦσθε καὶ ἀνελάττες stare. State igitur lumbis circumcinctis veritate & induiti thorace iustitiæ: calceatis pedibus præparatione Evangelii pacis: Insuper assumpto scuto fidei, quo possitis omnia jacula Satanae ignita extingvere: galeam etiam salutis recipite, & gladium spiritualem, quod est verbum*

bum DEI, omni prece & supplicatione precantes omni tempore per Spiritum &c. Premiserat Apostolus hæc verba: Corroboramini in Domino & in potenti robore eius *Frigida enim esset ad fortitudinem adhortatio, nisi manum ipse DEUS porrigeret, imò, nisi ipse omnem virtutem nobis suppeditaret. Qui dicto modo per DEI virtutem pugnat & retinet fidem atq; conscientiam bonam atq; cum Servatore hic gestat coronam spineam, accipiet olim coronam SUAM. Hoc ultimum est. Futuræ enim sunt in cælo differentie præmiorum, sicut militum diversus splendor est, & alius decor Solis, alius Luna, alius stellarum: stella enim stella præstat decore I. Cor. XV. 41. Hanc rem præclare, ut solet, Augustinus explicat. Denarius ille æqualis est omnibus quem Paterfamilias eis, qui operati sunt in vinea, jubet dari omnibus, non in eo discernens, qui minus & qui amplius laborarunt: quo utiq; denario vita significatur æterna, ubi amplius alio nemo vivit, quoniam vivendi non est diversa in æternitate mensura. Sed multæ mansiones diversas in una vita significant mansiones. DEUS erit omnia in omnibus, ut quoniam DEUS charitas est, per charitatem fiat, ut quod habent singuli, commune sit omnibus. Sic enim quisq; etiam ipse habet, cum amat in altero quod ipse non habet. Non itaq; erit aliqua invidia impari claritatis, quoniam regnabit in omnibus unitas charitatis. De hac & charitate & claritate gratulamur VIRO Consultissimo Dn. HIERONYMO ROCH/ J. U. D. & Advocato Judicii Provincialis. Habuit ille per DEI gratiam fidem & bonam conscientiam atq; utraq; in mediis morborum gravissimorum paroxysmis retinuit defixis in Servatorem JESUM oculis mentis suæ, cui mortuus vivit in æternum & nunc gaudet CORONA SUA. De Solduriis Cesar sic scribit: Eorum hæc est conditio, ut omnibus in vita commodis unâ cum his fruantur, quorum se amicitia dediderint. Si quid iis per vim accidat, aut eundem casum una ferant, aut sibi mortem consciscant, neq; adhuc hominum memoria reperitus est quisquam, quæo interfecto, cujus se amicitia devovisset,*
mori

mori recusaret. Aethyopibus hunc morem fuisse memorat Diodorus Siculus, ut si quando Rex aliqua parte corporis ex gravi causa debilitaretur, domestici omnes sponte sua eandem partem debilitarent. Turpe etenim existimabant, rege claudo non & omnes claudos amicos esse. Et quidem absurdum videbatur, cum vera sit amicitia, ex rebus adversis amicorum dolere, latati secundis, non & corporis quoque doloris participes esse. Quod si doctorum & domesticorum hac consuetudo apud Gentiles valuit, ut simul viverent, simul paterentur, simul morerentur, quid sinceris convenire Christianis putabimus, qui se Christo unice devoverunt, nec alium quam CHRISTUM agnoscunt Regem? Nunquid detrectabimus CHRISTO mori & cum CHRISTO pati, qui perصاصissimi sumus, hanc novam crucis excepturam novam gloriae nunquam terminanda? Sed ad pie defunctum nostrum revertamur. Natus est Anno MDCXXIX. XXVII. & regenitus XXIX. Januar. Patrem habuit Virum Amplissimum Dn. JOACHIMUM Koch, hujus urbis Senatorem laudatissimum, Matrem Foeminam primariam & ornatissimam SOPHIAM CLINGEN. Avus paternus ei fuit Dn. CHRISTIANUS Koch, Camerarius & Senator Civitatis Gustroviensis; Avia paterna MARGARETA Donsteins. Proavos Paternos habuit Dn. JOACHIMUM Koch & Dn. HIERONYMUM Donstein utrumque Civitatis Gustroviensis Consulem & Illustriss. Duc. MEG. Secretarium, & hunc iteratis vicibus ad Reges Galliae & Poloniae, quin & Italiae Principes Legatum dexterrimum: Proavias Paternas Annam Schütten, Dn. Joachimi Schütten, Praefecti Gustroviensis & Schwaanensis, ut & Senatoris Gustroviensis Filiam; & Elisabetham Klevenaw, Dn. Petri Klevenaw, Senatoris Gustroviensis Filiam. Proavus Maternus ei fuit Vir celeberrimus Dn. Bartholomæus Eling, Jctus & hujus Academiae Professor, quin & Illustriss. Ducis Megapol. per ipsos quadraginta annos Consiliarius longè meritissimus, Dn. Jacobi Elingen, Civis Confluentini in Archiepiscopatu Trevirensi primarii Filius: Avia materna Margareta Krons, sexus sui Corona splendadissima, Dn. Joachimi Krons Senatoris Rostochiensis clarissimi & Agnetæ Schmedes ex vetusta Smediorum prosapia oriunda Filia. Tanto natalium splendore

dore conspicuus nosſer p. d. & ipſe ſtudit claritate eruditionis &
nitore virtutum eminere. Quamquam enim vix octo ſeptimana-
rum infans Patrem, & tertio aetatis anno Matrem amiſerit, vel prae-
miſerit potius, ſingulari tamen & laudanda cura Tutorum, primum
Viri Ampliſſimi Dn. Hieronymi Koch Senatoris Rostochienſis, &
poſt Conſultiſſimi & Excellentiſſimi Dn. D. Reinholdi von Gehr-
renſium Civitatis Rostochienſis Syndici meritiſſimi effectum eſt,
ut voto & ſtudiis reſponderit per divinam gratiam eventus. Traditus
enim mature fidelibus Praeceptoribus, ut in pietate & literis infor-
maretur, eam de ſe ſpem concitavit, ut p. d. Dn. Frater natu maximus
Vir Ampliſſimus & Excellentiſſimus Dn. Chriſtianus Koch / J. U. D.
Conſil. Reg. & Dicaſterii Pomer. Aſſeſſor graviſſimus, Stralsundiu evoca-
rit & informationi privatae Viri Excellentiſſimi Dn. Benedicti
Babrii, tunc Stralsundeniſis Gymnaſii Reſtoris, nunc J. U. D. & Se-
natoris Stralsund. commiſerit. Factis feliciter fundamentis ad Aca-
demias contendit. Et primum quidem ad Academiam Francfur-
tenſem, ubi annum cum quadrante exegit. Hinc Franekeram
conceſſit & in tertium annum ibi ſubſiſtens varia Juris publici &
privati Collegia & duas diſputationes alteram de privilegiis ſtu-
dioſorum publice, alteram de Regulis Juris privatim ſub Profeſſo-
rum & Doctorem Juris praefidio habuit. Poſt Academies & urbes
Hollandiae & Brabantiae ſalutavit & luſtrato tractu Rhenano Ar-
gentoratam conceſſit, ubiq; uſus celeberrimorum Ictorum informa-
tione ſtudia Juris excoluit, & viſa Baſilea aliisq; Helvetiorum ur-
bibus, in Galliam lingua cauſa ivit & per annum Pariſis commora-
tus eſt. Viſis in Gallia urbibus & Provinciis nobilioribus quin &
ſalutata Sabaudia Gryptisvaldiam rediit, ibiq; apud praedictum
Dn. Fratrem Juris ſtudia publice opponendo & reſpondendo promo-
vit. Diſputationem de ſucceſſione ab inceſtato ſub praefidio Viri Ex-
cellentiſſ. Dn. D. Henrici Michaelis, tunc Prof. nunc Syndici
Stralsund. Clariſſimi, Amici noſtri honorandi publice habuit. De-
niq; cupidine videndi Germania loca celebriora incenſus Lipſiam
adiit, ut florentiſſimi Icti Carpzovii manuſcriptione uteretur.
Lipſia Dneſdam & Ratiſbonam, ubi Comitia celebrabantur, ivit, &
per-


perlustrato Danubii tractu Viennam Hungariam usq; ad Turcici Imperii fines post Pragam aliasq; Germanie urbes insigniores nondum visas contemplatus Helme Stadium concessit, ibiq; commoratus aliquandiu Juris studia promovit, donec Anno 1654. ad nos rediret. Toto illo tempore quo peregrinatus est & nobiscum per actis itineribus fuit, pietatem coluit principem omnium virtutum, idq; operam dedit ut honeste viveret, neminem lederet, suum cuiq; tribueret, bonam conscientiam retineret. Anno 1655. 29. Novemb. in hac Academia Juris Doctor creatus matrimonio sibi eodem die junxit Omnium Virginalium virtutum laude decoratissimam CATHARINAM Rahnen / Viri Amplissimi atq; Excellentissimi Dn. HENRICI Rahnen / J. U. D. & Prof. ut & Consistorii Ducatis Assessoris meritisissimi, Dn. Collegæ honoratissimi ex Conjuge dilectissima ELISABETHA von der Lippen / p. m. Filiam. Hoc conjugium ad exiguum quidem tempus duravit, at felix fortunatumq; pia concordia, quæ omnium in hoc statu honorum caput est, fuit, nec sobole infæcundum. Vidit enim pie defunctus ante XII. septimanas ex se natam filiolam, SOPHIAM ELISABETHAM, cui vitam prolixam & optatissimam pietatis felicitatisq; incrementa precamur. Feria I. Nativitatis Christi male habere cœpit ex variolis, quibuscum pectoris morbus conjunctus erat. Et quæquam ad summam in curando diligentiam nihil reliqui fieret, frustra tamen fuere omnia. Quod cum noster à pœnæ animadverteret, ad Jesulum, quem totavita in oculis & mente habuerat, se convertit, ejusq; benignissima voluntati se imitanda patientia resignavit, sicut hac plenius in Funebri Concione, D. V. explicabuntur. Cœlesti refectus est pabulo quatriduo ante beatissimum obitum, postquam desiderium ardentissimum erga divinisimum hoc viaticum expromississet. Ad extremam horam durante sensuum integritate scriptura dicta illustriora & cantiones sacras, *Mitten wir im Leben sein / etc. Wenn mein Stündlein vorhanden ist / etc. Herr Jesu Christ war Mensch und Gott / etc.* summa attentione audivit & expressit, atq; sic inter preces ardentissimas animam efflavit, atq; quod omnium verè piorum votum est, Salvatori suo reddidit III. Jan. hujus anni, postquam vixisset

vixisset *XXIIX*. annos demitis *24*. diebus. Nullum autem dubium est,
quin p[re]matura hac *Optimi Viri*, *Optimi Mariti*, *Optimi Generi*
mors *Amicis* & *cum primis Coniugi Socerog*, summū luctum attulerit.
Cæterum expendent *DEO* submissis animis, mortem piorum quie-
tem esse cum immarcescibili corona. Romani eos, qui vivi virtute sibi
coronam parassent, eadem mortuos insigniebant, non illis tantum
diebus, quibus intus domi positi essent, quos sepe fuisse in fune-
ribus indictivis *Servius* autor est, verum etiam eo die quo ad ro-
stra solenniter efferebantur. Neq[ue] dubitandum, quin illis, qui bo-
num certarunt certamen, quibus coronam iustitiæ repositam esse
omni exceptione major *Gentium*. *Apostolus* docet, sit *DEUS*, simul
atq[ue] quod natura debebant, morte exsolverunt, redditurus. Na-
strum est, *Cives Academici* omnium ordinum honoratissimi, mortem
quotidie meditari, hoc potissimum tempore, quo *Civis Academiæ*
hujus florentissimi corpus effertur, & *Vidua relictisq[ue] amicis con-*
dolentiæ Christianæ affectum testari, nostramq[ue] adversum inclite
hujus Academiæ membra honoratissima ipsasq[ue] adeo Familias cla-
rissimas benevolentiam atq[ue] observantiam representare, atq[ue] exe-
quias frequenti conventu & presentia nostra ornare. Quod ut faci-
atis, eo quo par est studio rogamus & sedulo hortamur. Vidistis num-
num Imp. Ferd. II. in quo corona cum inscriptione: LEGITIME
CERTANTIBUS. In terra decertatis, in cælo coronam
habebitis. Hic Chrysostromi verbis concludimus.

P. P. Rostochii XII. Jan. Anno M. DC. LVII.
sub Sigillo. Rectoratus.

Conveniendum in templo Maria-
no hora prima.





GUSTAV KOCH
Buchbinderei
ROSTOCK.



mori recusaret. *Aethyopibus hunc morem fuisse n*
Siculus, ut si quando Rex aliqua parte corporis ex
litaretur, domestici omnes sponte sua eandem pa
Turpe etenim existimabant, rege claudo non &
micos esse. Et quidem absurdum videbatur, ca
tia, ex rebus adversis amicorum dolere, letati
corporis quoq; doloris participes esse. Quo
domesticorum hac consuetudo apud Gentiles va
rent, simul paterentur, simul morerentur, quid
Christianis putabimus, qui se Christo unice devo
quam CHRISTUM agnoscunt Regem? Nunq
CHRISTO mori & cum CHRISTO pati, qui pe
hanc ignavia crucis excepturam non avia glori
nanda? Sed ad pie defunctum nostrum reverti
Anno MDCXXIX. XXVII. & regenitus XXIX
habuit Virum Amplissimum Dn. JOACHIMU
bis Senatorem laudatissimum, Matrem Fœmin
ornatissimam SOPHIA CLINGEN. Avus pa
CHRISTIANUS Koch, Camerarius & Senator Ca
sis; Avia paterna MARGARETA Donsteins.
habuit Dn JOACHIMUM Koch & Dn. HIERO
utrumq; Civitatis Guströiensis Consulem & Ill
Secretarium, & hunc iteratis vicibus ad Reges
quin & Italia Principes Legatum dexterrimum:
Annam Schütten, Dn. Joachimi Schütten
ensis & Schwvanensis, ut & Senatoris Guströ
Elisabetham Klevenaw, Dn. Petri Klevenaw
viensis Filiam. Proavus Maternus ei fuit Vi
Bartholomæus Cling, Jctus & hujus Acaden
& Illustriß. Ducis Megapol. per ipsos quadragi
rius longè meritissimus, Dn. Jacobi Clingen, C
Archiepiscopatu Trevirensi primarii Filius: A
gareta Krons, sexus sui Corona splendadissi
Krons Senatoris Rostochiensis clarissimi & Ag
vetusta Smediorum profapia oriunda Filia. Ita



loris
debi-
rent.
os a-
nici-
on &
m &
vive-
enire
lium
imus
mus,
ermin-
us est
trem
is ur-
m &
t Dn.
vien-
ernos
nstein
MEG.
lonia,
ternas
Provi-
a; &
ustro-
is Dns
, quin
nfilia-
tini in
Mar-
chimi
des ex
splen-
dore